

IMAQARNILIAQ US - Utoqqaat siunnersuisoqatigiiffiat 22-08-2017

Ulloq ataatsimiiffissaq Tirsdag 22. august 2017 kl. 19:00

Ataatsimiiffissaq Imaneq 34, Pisortap allaffiani

Indholdsfortegnelse

Imaqarniliaq.....	3
-------------------	---

IMMIKKOORTOQ .: Imaqarniliaq

Imaqarniliaq

Utoqqarnut siunnersuisooqatigiit inissitsiterlutik ataatsimiinnerat

Piffissaq: Marlunngorneq 22. agusti nal. 15.00-15.30
Sumiiffik: Imaneq 34, Pisortap allaffiani

Ataatsimeeqataasut:

Søren Joelsen, ilaasortaq
Loritha Henriksen, ilaasortaq
Laannguaq Lyngø, ilaasortaq
Bodil Karlshøj Poulsen, ilaasortaq
Elias Heilmann, ilaasortaq
Jesper Labansen, atorfillit pisortaat
Jill Hellesen, Imaqarniliortoq

Oqaluuserisassat:

- 1) Utoqqarnut siunnersuisooqatigiinni siulittaasumik siulittaasullu tullianik qinersineq
- 2) Taasariaqartut allat

Imaqarniliorneq:

1a. Utoqqarnut siunnersuisooqatigiinni siulittaasumik siulittaasullu tullianik qinersineq

Tikilluarit.

Pisortaq, Grethe Nielsen Danmarkimiippoq Aalborgimi "Kalaallit Nunaannut ulloqartitsinnermut"
peqataajartorluni. Peqannginnerani atorfillit pisortaat Jesper Labansen peqataavoq.

Utoqqarnut siunnersuisooqatigiinnut ilaasortat tamarmik najuupput.



Siulittaasutut sassartut makkuupput:

- Lannguaaq Lynge
- Søren Joelsen

Laannguaq siulittaasussatut sassarpoq siornatigut Utoqqarnut siunnersuisooqatigiinni siulittaasup tulliatut atuutereerami Utoqqarnullu politikkip atulersinneqarnissaa qanimut malinnaavigerusukkamiuk. Innuttaasut utoqqaat Kommuneqarfik Sermersuumiittut tamarmik Utoqqarnut siunnersuisooqatigiinnit tikinneqartarnissaat aallutarerusuppaa aamma qinigaaffiup siulianut sanilliullugu Siunnersuisooqatigiit ersarinnerunissaat angorusullugu.

Søren Joelsen siulittaasussatut sassarpoq Utoqqarnut siunnersuisooqatigiinni nutaamik pisoqarnissaa piffissanngorsorigamiuk aamma kommune tamakkerlugu innuttaasut utoqqaat eqqarsaatigalugit atugaannik pitsanngorsaannissamut isummanik nutaanik peqartariaqartoq.

Siulittaasumik qinersineq:

- Laanguaq Lynge. Qinersisinnaasut tallimat akornani pingasunit qinerneqarpoq

Siulittaasup tullianik qinersineq:

- Søren Joelsen Isumaqaatigiillutik qinerpaat

2a. Taasariaqartut allat

Utoqqarnut siunnersuisooqatigiit septembarip naanerani ataatsimeeqqinnissaq kissaatigaat, tassanilu Siunnersuisooqatigiit siunissami suliassaat pillugit periusissioinnissamik Utoqqarnut siunnersuisooqatigiit nutaat periarfissaqarlutik. Utoqqarnut siunnersuisooqatigiinni suliassat eqqarsaatigalugit septembarimi ataatsimiinnermi kissaatitik, anguniakkatik takorluukkatillu eqqartussavaat.

Septembarip naanerani Isumaginninnermut Suliffeqarnermullu Ingerlatsivik ataatsimiigiaqqusissaaq, kiisalu ageqqusissutit oqaluuserisassallu nassiullugit.

Utoqqarnut siunnersuisooqatigiit aggustip ulluisa 22-anni ataatsimiinnermi Utoqqarnut siunnersuisooqatigiit maleruagassaat tunniunneqarput.

Septembarimi ataatsimiinnissap tungaanut maanna siunnersuisooqatigiinnut ilaasortanit maleruagassat misissuataarnissaannut periarfissaqarput.

Aggustip ulluisa 14-ianni ataatsimiinnermit imaqarniliaq Utoqqarnut siunnersuisooqatigiinnut tunniunneqarpoq.

Imaqarniliami allaqqasunut Utoqqarnut siunnersuisooqatigiit ilassutissaqarunik imaluunniit isumaqarunik iliuarisassaqartoq, kingusinnerpaamik tallimanngorneq aggustip ulluisa 25-anni nalunaaruteqassapput, tamatuma kingorna kommunip nittartagaanut, sermersooq.gl-imut saqqummiunneqassaaq.

